



COVID-19-imut akiuussutissiineq

3. januar 2021

Sooq akiuussutissinneqassavit?

Covid-19 tassaavoq nappaat, inunni siornatigut siumorneqarsimangimmat tunillatsinnissamut napparsimalernissamullu illersuutaasinnaasumik akiuussutissaqarfiginginnatsigu nappaalassutaalersinnaasoq. Nunatsinni innuttaasut ilaminiinnangui tamatuiminnga nappaateqarsimapput, tunillatsissimasut kingusinnerusukkut nappaammik tunillatseqqinnissamut tamakkiisumik illersorneqarsinnaanersut qularnaarlugu ilisimangilarput.

Covid-19 tamanik eqquisinnaavoq, tunillatsittut ilaat perusulersarput nappaallu toqqutigisinnaallugu.

Akiuussutissinneqarneq COVID-19-mik tunillatsillunilu nappaateqalernissamut illersuutaamat Nunatsinni nakorsaaneqarfimmit innersuussutaavoq.

Akiuussutissinneqarneq akeqanngilaq neqeroorummillu atuinisaaq nammineq piumassutsimik tunngaveqarluni.

Kikkut akiuussutissinneqarnissamik neqeroorfigineqassappat?

Akiuussutissat akuerineqartut nunatsinni pissarsiarineqarsinnaalernissaat ilutigalugu kikkut tamarmik akiuussutissinneqarnissamik neqeroorfigineqassapput. Taamaakkaluaq meeqqat 16-init inorlugit ukiullit, naartusut milutitsisullu- akiuussutissaq taakkununga tunngatillugu misissorneqanngimmat akiuussutissinneqarnissaannik neqeroorfigingilagut.

Aallaqqaammut akiuussutissanik annikitsuinnarnik pissarsiviusumi, Nunatsinni Nakorsaaneqarfimmit peqqinnissamut tunngatillugu naliliineq aallaavigalugu aalajangersakkamik pingaarnersiunikkut, tulleriaraluni akiuussutissiisoqassaaq.

Akiuussutissanik annertunerusunik pissarsigutta neqeroorut tulleriarakkamik annertusiartussavarput.

Akiuussutissinneqarsinnaaleruit nalunaarfigineqassaait. Kikkut sumi qaqugulu akiuussutissinneqarnissat tusagassiorfiit www.nun.gl/ilu aqutugalugit nalunaarutigineqartassapput



Akiussutissaq suna ilinnut neqeroorutaassava?

COVID-19-imut akiussutissaq akuerisaasoq siulleq tassaavoq Comirnaty® taannalu tyskit nakorsaasioffiannit BioNTechimit Amerikami nakorsaasioffik Pfizer suleqatigalugu inerisarneqarsimavoq.

Comirnaty® tassaavoq akiussutissamik RNA-mik taaneqartartoq. RNA tassaavoq kalerrisaarut inuup sananeqaataaneereersoq proteininik aalajangersimasunik pilersitsinissamut kodiisartooq. Akiussutissaq RNA proteininik coronavirusip qaleruaanut assingusunik, taamaallunilu timip allagisaminut qisuariartarnerata, tunillatsinnissamut napparsimalernissamullu illersuusiornissaanut perrassaataasinnaasumik koodiinikkut sunniuttarpoq. RNA-akiussutissat virusitaqanngillat akiussutissallu akui sunniutereerunik timimi pilertortumik arrortarput.

Sorlermik akiussutissinneqarnissat illit nammineq aalajangersinnaaviuk?

Neqeroorummi akeqanngitsumi illit nammineq akiussutissaq sorleq perusullugu toqqarsinnaanngilat. Tamanna nunatsinni meeqqanik akiussutissiisarnermi akeqanngitsumillu akiussutissiisarnerni allani atuupportaaq.

Maannamuugallartoq COVID-19-imut akiussutissat nunatsinnut nassiunneqartussat tamarmik, akeqanngitsumik akiussutissinneqarnissamik neqeroorutip iluani agguanneqassammata, nakorsamit allagarserneqarnikkut pisiarineqarsinnaassanngillat. Akiussutissinneqarnissamik neqeroorut akueringikkukku, kingusinnerusukku akeqanngitsumik akiussutissinneqarnissamut pisinnaatitaaffiit annaassanngilat. Neqeroorfigineqaruilli akuerinissaa Nunatsinni Nakorsaaneqarfiup innersuussutigaa.

Akiussutissaq qanoq sunniuteqarluartigaa?

Comirnaty® ilisimatuussutsikkut misissuinerni, makitsinikkut misiliinermut peqataasut affaat akiussutissillugit affaallu imermik tarajulimmik kapillugit annertoorujussuarmik misissuuffigineqarpoq. Akiussutissinneqartut ilaat ikittuararsuit COVID-19-mik nappaateqalerput, imermillu tarajulimmik kapitittut tyveriaataasa missaat COVID-19-imik nappaateqalerlutik. Taamaammat Comirnaty® -ip sunniutaa 95%- ip missaaniinnerarparput. Amerlanerpaat kapiteqqaarnerminniit sap. ak. marluk qaangiutiinnartut illersuutissaqalersarnerat ilimanaateqarluarpoq, aatsaalli aappasaanik kapitereernerup kingorna sap. ak. ataatsip qaangiunnerani tamakkiisumik sunniutaa uppersarsineqarpoq.

Akiussutissinneqarnikkut COVID-19-imut 100%-imik illersuutissaqalernerup uppersarsineqannginnera erseqqissassallugu pingaaruteqarpoq. Taamaammat tunggaviusumik tamakkiisumik akiussutissinneqaraluarluni COVID-19-imik tunillatsittoqarsinnaavoq napparsimalersoqarsinnaallunilu, tamannali qaqutigoortuusaaq.

Akiussutissamit illersugaanerup ukiorpassuarni atasinnaanissaanut imal. illersuutissaq attatiinnarniarlugu illit immaqa kingusinnerusukku akiussutissinneqartariaqarnissat sulii uppersarsaatissartaqanngilaq.

Akiussutissap suut kingunerluutitarai?

Akiussutissat tamarmik kingunerluutitaqarput tamannalu Comirnaty® -missaaq atuuppoq. Nalinginnaasumik ippiuutit annikitsut peeruttussallu pineqarput, Comirnaty® lu akiussutissatut isumannaalluinnartutut uppersarsarluakkatullu isigaarput.

Kapitiffiup nalaata annernarnera amerlanernit malugineqassaaq. Kingunerluutit allat nalinginnaasut tassaapput qasoqqaneq, niaqorlunneq, nukiit naggussallu annernarnerat, uulinneq, kissarneqalaarneq kapitiffiullu nalaata aappillerluni pullannera. Timip pissussamisut akiussutissinneqarnikkut qisuariaateqarneranut nalininngaasumik ersiutaapput. Ippiuutit ilisimaneqartut qaangiuttussallu taakku malugigukkit nakorsamut attaveqartariaqangilatit.

Sakkortuumik kingunerluutinik ersiuteqaruit, soorlu anersaartorniarnermik ajornartorsiorneq, anillattoorneq nakorsamut attaveqassaatit.

Qaqutigooqisumik akiussutissami akorineqartunik sapigaqarnermik ilaatigut patsiseqarsinnaasumik sakortuumik sapigaqarnermut ersiuteqartoqarsinnaasarpooq. Ass. nakorsatinik ilisimaneqartumik sakkortuumik sapigaqaruit, akiussutissinneqartinnak akiussutissiisussamut tamanna ilisimnatitsissutigissariaqarpat. COVID-19 -imut akiussutissiinermut atatillugu tamatigut kingunerluutaasinnaasut qaqutigooqartut iliuuseqarfiginissaannut upalungaarsimasooqassaaq.

Qanoq akiussutissiisoqassava?

Akiussutissiivissamut piffissaliusaaq sapinngisamik nallilivissoq takkutissaatit tassanilu ilitsersuutit malillugit. Akiussutissiinerit tamatigut nakorsamit akisussaaffigineqarlutik ingerlanneqassapput, peqqinnissakkulli sullissisunik assigiinngitsunik naapitsissaatit.

Nalinginnaasumik assaqqup nukiagut akiussutissiisoqassaaq. Akiussutissaaq imermut tappiorannartuiakkamut 0,3 ml-imut imerpallanneqartoq kapuutigineqassaaq. Akiussutissinneqareeruit sapigaqarnermut ersiuteqalissaguit peqqinnissakkut sullissisunit ikiorneqarsinnaaqqullutit qanittumi minutsit 15-it utaqeqqaassaatit.

Akiussutissinneqareeruit qanoq iliussavit?

Akiussutissinneqarsimagaluaruilluunniit tunillaanaveersaarnissamut siunnersuutit nalinginnaasut pitsaasut malittuassavatit. Akiussutissaaq 100%-imik sunniuteqanngilaq, virusi akiussutissinneqartup timaaniiginnarluni taamaalillunilu tunillaasinaaneranut akiussutissap pitsaaliuutaanerattaq sulii ilisimangilarput.

EQQAAMAJUK: marloriarlutit akiussutissinneqassagavit

Covid-19-imut tamakkiisumik akiussutissinneqassaguit sap. Ak pingasut sisamallu akornganni qaangiuppata aappassaa akiussutissinneqassaatit

Coronavirus/COVID-19 nutaaq pillugu ilisimasassat pingaarutillit

COVID-19 tassaavoq coronavirusimik nutaamik tunillatsikkaanni nappaatigilersinnaasap aqqa.

Tunillatsinneq




Tuniluunnerup pitsaaliorduarsinnaanissaanut coronavirusip qanoq tuniluuttarnerata ilisimanissaa pingaaruteqarpoq.

Attuinikkut tunillatsinneq

Tunillatsissimasup nammineq qisini/kakkini virusitalik assamminut pisissinnaavaa tamatumalu kingorna tunillannartoq toqqaannartumik attuinikkut ass. assammiinikkut ingerlateqqillugu. Tunillatsissimasup quersornikkut/tangajornikkut imal. assamminik ass. matup tiggummiviinik attuinikkut viruseqalersitsissaaq. Inuup tulluuttup tamatumingga attueernikkut tunillannartoq surluni, isini qaniniluunniit aqqutigalugit nammineq ameraasaminut ingerlateqqissavaa.

Silaannarmi kuseriarneeqqatigut tunillatsinneq

Tunillatsissimasup quersornikkut imal. tangajornikkut kuseriarneeqqat virusitalit siaruartersinnaavai.



Kuseriarneeqqat taamaalillutik silaannarmut siaruanneqartut inummut allamut tussinnaapput taamaalillunilu tunillannartoq surluit, isit qanerluunniit aqqutigalugit nammineq ameraasanut ingerlatinneqassaaq.

Nappaammut ersiutit

Qisertaqanngitsumik quersorneq,

Toqqusaarlunneq,

Kissarneqarneq,

Mamaatsumik malussarsinnaannginneq,

Nukitsigut anniarneq

Generelle råd til forebyggelse af smittespredning



Nappaatip tuniluutinnginnissaanut siunnersuutit nalinginnaasut

1. COVID-19-imut ersiuteqaruit, nappaateqernerit misissuinikkut paasineqarpat imal. tunillatsissimasumut qanimut attaviuguit angerlarsimaannarit.
2. Assatit asakulakkit assanulluunniit spritti atortaruk.
3. Talinnut quersortarit tangajortarilluunniit.
4. Assamiinaveersaarit, ersakkut kunissinaveersaarit eqitaarinaveersaarillu
5. Angerlarsimaffimmi suliffimmilu eqqiluisaarit.
6. Qanillinaveersaarit – a llallu taamaalioqqukkit

Siunnersuut arlaat ataaseq eqquatsissinnaanngikkukku allat eqquatsinnissaat immikkut eqqumaffigiuk.